



Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Veluti Totidem Ramos
Distributa

Ilsung, Jakob

Dilingæ, 1693

Meditatio CCCXXVII. Nemo, et si humilis & abjectus, despiciendus.

[urn:nbn:de:hbz:466:1-60727](https://nbn-resolving.de/urn:nbn:de:hbz:466:1-60727)

exterioris earundem exempla Proximis præbere, eosque ad illarum imitationem excitare possitis.

PUNCT. III. *Et Pacem habete inter vos.* Ibid. Non enim sufficit per Virtutes internas rectè quempiam se habere ad seipsum, nisi in communitate degens, per Concordiam & Pacem rectè etiam se habeat ad Fratres & Sodales suos: unde ab omni æmulatione, contentione, dissensione, infestatione abstinentur. Quemadmodum S. Paulus Romanos in Epistola. c. 12. adhortatur: *Charitate Fraternitatis invicem diligentes, honore invicem prævenientes &c. Id ipsum invicem sentientes. Nulli malum pro malo reddentes: providentes bona non tantum coram DEO, sed etiam coram hominibus. Si fieri potest, quod ex vobis est, cum omnibus hominibus Pacem habentes: non vos ipsos defendantes, Charissimi, sed date locum iræ.*

MEDITATIO CCCXXVII.

*Nemo, et si humiliſ & abjectus,
despiciendus.* Matth. 18. v. 10.

PUNCTUM I. *Videte, ne contemnatis unum ex his pusil-*
lis. Postquam Christus parvulos propter Humili-
tatem suam imitandos, & cum Charitate suscipien-
dos; nullumque illis scandalum præbendum docue-
rat, monuit etiam Discipulos, ne illum talem con-
temnerent quacunque ratione, sed Salutis illorum
curam æquè libenter susciperent, quam aliorum, qui
in hoc mundo magni, nobiles, divites, sapientes, po-
tentest &c. videntur: imò hos illis sive ætate, sive
propria de se, ac aliorum de illis æstimatione, parvulis
quodammodo postponendos: id quod Christus Patris
su

sui Cælestis, & proprio Exemplo videtur docuisse, dum Luc. 10. v. 21. inquit: *Confitear tibi Pater, Dominus Celi & Terræ, quod abscondisti hæc à sapientibus, & prudentibus, & revelasti ea parvulis.* Et Matth. 19. v. 14. *Sicut parvulos, & nolite eos prohibere ad me venire; talium enim Regnum Cælorum.* Neque verò eos tantum Christus hic intellexit, quos ex corporis humilitate parvos & pusillos dicimus, sed illos maximè, qui ob humiliis & abjecti statūs conditionem in oculis hominum parvi esse consueverunt: hos enim quantum reliquis Christus curaverit, patet ex delectu pauperum, ac humilium Discipulorum, & Auditorum, quorum electionem inter mirabilia sua numeravit Matth. 11. v. 5. *Ceci vident, claudi ambulant &c. pauperes evangelizantur.* Ne ergo contemnas unum ex his pusillis; sed humilibus, & coram mundo contemptibilibus operam tuam libenter impendas, instruendo in Catechesi, docendo in scholis, concionando in cathedris ignobilioribus, invilendo in hospitalibus, vel dormibus vii lioribus, juvando privatis colloquijs, aures dando in Confessionalibus &c. Quod si ista officij tui non sint, stude saltem, ut ipse per Humilitatem & contemptum tui ipsius inter parvulos numereris, quandoquidem à Deo tanti fiunt, ut eos contemni prohibeat, & alijs præferat; ut perpendit S. Paulus 1. Cor. 1. v. 26. scribens: *Videte enim Vocationem vestram Fratres, quia non multi sapientes secundum carnem, non multi potentes, non multi nobiles, sed quæ sunt multa mundi, elegit Deus, ut confundat sapientes; & infirma mundi elegit Deus, ut confundat fortis; & ignobilia mundi, & contemptibilia elegit Deus, & ea, quæ non sunt; ut ea, quæ sunt, destrueret. Ut Hæc & tu elige, & gaude, vel opta inter ea eligi.*

PUNCT.

PUNCT. II. *Dico enim vobis, quia Angeli eorum in Cælis semper vident Faciem Patris mei, qui in Cælis est.*
Matth. 18. v. 10. Hanc rationem reddit Christus, cur nemo, quantumvis pusillus, humili ac vili sit contemnendus: quia Cælestes Principes, qui cum Rege Angelorum regnant in Cælo, & ante Faciem ejus adstant, non contemnunt illos, nec dedignantur eorum curam, ac ministeria: quia amant illos, velut Conservos, & Clientes suos, ac præstata his obsequia velut sibi facta æstimant, & patrocinis suis remunerantur tanquam potentes, & chari Amici Dei, quem vident, & in quo vident omnia, quæcunque Clientibus suis bene vel male fiunt.

PUNCT. III. *Venit enim Filius hominis salvare, quod perierat.* Ibid. Hanc alteram rationem adducit Christus, cur minimus non sit contemnendus: quia ipse æqualiter pro omnibus mortuus est, & omnes vult Salvos fieri; adeoque Exemplum Christi, & Pretium pro omnibus expensum Infiniti Valoris facere debet, & movere, ut nemo contemnatur; sed æqualiter omnes æstimentur, diligentur, & adjuventur.

MEDITATIO CCCXXVIII.

De Ove perdita.

Matth. 18. v. 12.

PUNCTUM I. *Quid vobis videtur? Si fuerint alicui censum oves, Terraverit una ex eis: nonne relinquit novaginta novem in montibus, & radit querere eam, quæ erravit?* Confirmat Christus hac similitudine verba proxime præcedentia, nimirum; *Venit Filius hominis salvare,*